

ত্রিপুরা সরকার  
তথ্য ও সংস্কৃতি অধিকার  
\*\*\*\*\*

স-৪৮৬১  
আগরতলা, ১৩ ফেব্রুয়ারি, ২০২৪

ভেটেরিনারি সায়েন্স এন্ড অ্যানিমেল হাজবেন্ডারি কলেজ পরিদর্শনে রাজ্যপাল



রাজ্যপাল ইন্দ্রসেনা রেড্ডি নাথু আজ সকালে রাখাকিশোরনগরস্থিত ভেটেরিনারি সায়েন্স এন্ড অ্যানিমেল হাজবেন্ডারি কলেজটি পরিদর্শন করেন এবং সেখানকার কাজকর্ম সম্পর্কে অবহিত হন। প্রাণীসম্পদ বিকাশ দপ্তরের প্রধান সচিব বিএস মিশ্রা রাজ্যপালকে সেখানে স্বাগত জানান। কলেজে পৌঁছে রাজ্যপাল রিজিওন্যাল অ্যাকজোয়েটিক ক্যাটেল ব্রিডিং ফার্মটি পরিদর্শন করেন। ফার্মের ইনচার্জ ডা. তপন কুমার দাস ফার্মের কাজকর্ম সম্পর্কে রাজ্যপালকে অবহিত করেন। রাজ্যপাল হাঁস প্রজনন কেন্দ্রটি পরিদর্শন করেন। ভেটেরিনারি অ্যাসিস্টেন্ট সার্জেন ডা. শর্মিষ্ঠা কর জানান, গত বছর ১ লক্ষ ৪০ হাজারের মতো ডিম এই ফার্ম থেকে উৎপাদিত হয়েছে।

এরপর রাজ্যপাল কলেজের খরগোস এবং শূকরের ফার্মটি পরিদর্শন করেন। শূকরপালন অধিক লাভজনক হওয়ায় ফার্মে আরও বেশী সংখ্যক শূকর পালনের জন্য রাজ্যপাল পরামর্শ দেন। রাজ্যপাল এছাড়াও কলেজের বিভিন্ন শাখা ঘুরে ছাত্রছাত্রীদের সঙ্গে মতবিনিময় করেন। পরে অধ্যক্ষের কক্ষে রাজ্যপাল পদস্থ আধিকারিকদের সঙ্গে বৈঠক করেন। বৈঠকে প্রাণীসম্পদ বিকাশ দপ্তরের অতিরিক্ত অধিকর্তা ডা. বিমল দাস, ভেটেরিনারি এন্ড অ্যানিমেল হাজবেন্ডারি কলেজের অধ্যক্ষ ডা. পূর্বী বর্মণ ও কলেজের অন্যান্য ফ্যাকাল্টিগণও উপস্থিত ছিলেন। রাজভবন সচিবালয় থেকে এই সংবাদ জানানো হয়েছে।

\*\*\*\*\*